



## **Universitätsbibliothek Paderborn**

**Francisci Toleti S. R. E. Cardinalis Svmma Casvvm  
Conscientiæ, Sive De Instrvctione Sacerdotvm Lib. VII**

**Toledo, Francisco de  
Coloniæ Agrippinæ**

49. De fraude ratione rei venditæ.

**urn:nbn:de:hbz:466:1-40916**

scinden. vendit. l.2. & iure can. cap. cum dilecti , & cap. cum causa, de emptio. & venditio. Qui autem vendit supra medietatem, tenetur in foro exteriori reddere acceptum superfluum vel suam rem accipere, & manet emptio apud ipsum. Cum vero res est empta infra medietatem, optio est emptoris, aut reddendi rem, aut æquandi premium iustum, ut habet Sylvest. verb. emptio. §. 9. In foro vero conscientiae semper tenetur homo, quamvis fraus non sit tanta, ad restitutionem, ut docet D. Thom. 2.2. quæst. 77. art. 1. & Innoc. cap. in ciuit. de usuris, & Panorm. in cap. plerique, de immunit. Eccles. & Soto lib. 6. quæst 6. articul. 1. contra aliquos, qui dixerunt non peccare, cum quis defraudat præter istam legis taxationem, aut saltem, non teneri ad restitutionem. Sed hoc falsum est, & contra rei naturam: Leges enim ad lites vitandas tantum id permittunt, nec rescindunt contractum, nisi modo prædicto.

Tertia conclusio, qui vendit, potest supra iustum premium rei exigere damnum emergens in vendendo, non tamen potest vendere utilitatem, quam, qui emit, accipit supra rei valorem. Ista etiam sunt S. Thom. 2.2. q. 167. ar. 1. Explico, Petrus habet domum valentem centum, rogatus ab alio, ut vendat eam sibi, ipse non vult; tandem precibus vietus vendit; tamen, quia sibi erat multum commoda, & detrimentum patitur ex venditione, potest exigere totum damnum, admonito tamen emptore de hoc. At vero, si nullum damnum patitur, tamen dominus est multum utilis emptori, non potest ultra iustum premium exigere aliquid ratione ipsius utilitatis. Ratio utriusque est, quia damnum est suum, utilitas alterius: nullus autem vendere potest, nisi quod suum est.

#### *Defrauderatione rei venditæ.*

#### C A P V T    X L I X .

**S**ecunda radix, unde oritur fraus in emptione seu venditione, est ratione ipsius rei venditæ, cum res ipsa vitium alicuius habet, & venditur, ac si non haberet. In cuius gratiam aduertere esse triplex vitium in re aliqua vendita.

Vnum est in substantia, dum, quod non est, venditur pro eo quod est: ut, quod non est aurum, pro auro, quod non est argenteum, pro argento; quod non est gemma, pro gemma.



Alterum est in quantitate; ut, quod non est tantum, vendere pro tanto, non libram, pro libra, non modium, pro modio, non cadum, pro cado.

Tertium est, in qualitate; dum, quod non est tale, pro tali venditur, v.g. equus cæcus, pro non cæco, mancus, pro non manco, vinum lymphatum, pro puro, Latinum, pro Greco, & sic de alijs. Horum trium vitiorum eadem est ratio: quantum de vno, de alijs etiam dici possunt. Ad cognoscendas sunt fraudes ratione rei vitiosæ, aliquor sunt notanda conclusiones.

Prima est, rem vitiosam vendere tanto pretio, quanto si non haberet vitium, peccatum est obligans ad restitutionem, & mortale, si materia non est leuis, & scienter fit. In hac omnes Doctores conueniunt. Vendere ergo equum habentem vitium, puta cæcum, vel mancum, centum aureis, qui tantum solummodo valeret, si vitium non haberet, iniuria est.

Secunda conclusio, vitium rei manifestum non tenetur venditor manifestare: unde potest iuste vendere rem vitiosam, dummodo non excedat pretium: accipiendo tantum, si non esset vitiosa, licet emptor non aduerteret esse vitiosam; vt, aliquis haberet equum monoculim, potest vendere premo iusto, quod valet cum illo defectu, quamvis sciat empotor non aduerteret esse monoculum. Ista est S. Tho. 2.2. q. 77 art. 3, tamen contrarium tenet Panorm. capii. iustum, de rerum permutat. & Contr. quest. 54. de contractibus: dicunt enim, quod cum venditor videt empotori ignorare vitium, debet eum admonere, licet manifestu sit. Sed mihi in hac partem detur distinguendum. Aut enim empotor poterat aduenerere, & ex negligentia non aduertit, aut non poterat aduenerere, quia impotens erat, nimirum cæcus aut inexpertus, quia ignorat quis sit defectus. Si modo priori non aduertat, prout non esse iniustitiam vendere, nec obligari ad restitutionem, facta rei venditione, sed solum ex charitate; & si vitium est in magnum detrimentum empotoris, erit mortale contra charitatem, aliter erit veniale. Modo vero posterioriteretur de iustitia, ac si vitium esset occultum, vidicemus tam.

Tertia conclusio, Quando vitium est occultum, non sufficit pretium iustum petere, quantum cum vitio valet, sed manifestandum in tribus casibus.

Primus

Primus, quando illud vitium est in damnum emptoris: v. g. vendit aliquis equum militi cum vitio occulto, quod periculosum est in bello, tale vitium est manifestandum, quia est in damnum emptoris, qui pro bello emit equum. Similiter, vendit quis vinum quod scit parum duraturum, volenti emere ad conseruandum, cernerur manifestare, neque sufficit iustum petere pretium.

Secundò, cùm res erit inutilis emptori, verbi gratia, Pharmacopola vendit scammoniam, quæ licet non nocebit, tamen non erit ullius usus infirmo; vendit autem pro alio utili, quod perit emptor, iniuste facit, quamvis pretium rati iustum exigat.

Tertiò, cùm cognoscit probabiliter vendor, emptorem emere ad reuendendum; tunc debet manifestare vitium: nam vender emptor ille rem tanto pretio, ac si non haberet vitium. His casibus occultum vitium est manifestandum: alias, est mortale peccatum ex genere suo obligans ad restitutionem.

Aduerte tamen unum, ex sancto Thoma, loco citato, quod non sat est, vitium manifestare in genere, & in uniuersum: aliquando enim astuti homines, vendentes equum habentem aliquid occultum vitium, dicere solent: omne vitium habet, est cæcus, est claudus, est talis & talis, & numerant verum defecatum: hoc autem non sufficit; nam virtualiter negant vitium occultum, dum affirmant vitium, quod videt emptor non esse. Debet ergo vitium clarè, & distincte aperiri.

Quarta conclusio. Quando nullum horum trium est, & causa rationabilis existit, nullumque mendacium intercedit, licet vendere rem iusto pretio, non detecto vitio occulto. Ista est Soto lib. 6 quæstio. 3. articul. 2. & deducit eam ex S. Thoma: verbi gratia, est aliquis qui iusto pretio non potest vendere vinum, vel propter iniquitatem iudicis, vel propter emptorum malitiam, qui conueniunt interesse, ut pauci emant, ad remittendum pretium, vel propter aliam causam rationabilem, tunc iste potest minuere mensuram, aut parum aquæ misere, & vendere pro puro, ac pro completa mensura, iustum exigendo pretium, dum modò non dicit mendacium; quod si dicat, non erit perniciosum, nec mortale, nec obligans ad restitutionem.

Similiter, aliquis habet sericū Granatense, quod verè æquat bonitatem alterius serici, tunc, si nō potest vendere iusto pre-



tio, licet pro eo serico, quod perit, vendere, non tamen men-  
tiendo, ut diximus. Eodem modo, licet aliquando Latinum  
pro Græco vendere, & alias similiter merces. Advenien-  
tamen, quod non licet hac intentione merces emere, ut veda-  
tur pro alijs, sed emptas licet sic vendere, tali causa rationabi-  
li existente.

**Quinta conclusio:** Emptor tenetur manifestare venditori  
ignoranti rem venditam valorem ipsius: verbi gratia, nullus  
vendit gemmam magni valoris vili pretio, ex ignorantia,  
emptor cognoscens tenerur ei veritatem aperire, & dare va-  
loris iustum pretium, alias peccat, & obligatur ad restitu-  
tionem. Non tamen est eadem ratio de eo, qui emit vineam al-  
terius, in qua scit magnum thesaurū, & non manifestat, donec  
emat, & possideat ipsum: hic enim licet id facit, nec tenetur  
manifestare, ut habet S. Thom. 2.2. quæst. 66. art. 5. ad secundum  
& Sylvester verb. inuentum, §. 2. & Soto lib. 6. quæst. 3. art. 2.  
Et ratio est, quia, cum venditur vinea, vel emitur, sola plani-  
ties est, quæ venditur, cum his, quæ supra sunt, non autem ea,  
quæ subtus sunt. Vnde pretium iustum inde est sumendum,  
non ab his, quæ sub terra occulta sunt. Et quamvis ista senten-  
cia non nihil habeat difficultatis, tamen teneri securè potest,  
propter auctoritatem Doctorum.

#### Defraude, ratione modi vendendi

#### CAPUT L.

**T**ertia radix, unde fraus oritur, est ex modo vendendi, vel  
emendi, putà cum res emitur, aut venditur credito, aut  
numerata pecunia. Ad quarum fraudum manifestatio-  
nem, sunt tres regulæ, seu conclusiones notandæ.

Prima est, licet vendere rem summo pretio iusto, cum cre-  
dito venditur; licetque rem emere infimo pretio, cum vel nu-  
merata pecunia, vel anticipata venditur. Explico, diximus su-  
perius, esse tria pretia iusta naturalia vnius rei, summum, me-  
dium, infimum. Dico ergo, quod potest vendor exigere sum-  
mum pretium, cum creditò vendit, quod non exigeret, si nu-  
merata pecunia venderet. Rursus, licet emptori emere vi-  
suum, & infimo iusto pretio, cum anticipata pecunia emit; cum  
tamen res ista emeretur medio, vel summo pretio, si non

ellet